

江華縣志卷之九

人物

賢達
隱逸

文學
耆壽

忠孝
壽婦附

節烈
邱墓

善行

扶輿清淑之氣固隨地皆鍾王者德化所敷亦無遠弗屆江華自宋迄今代有人物或勳業彪炳或經術湛深或誼篤君親或操全冰雪或睦婣任恤善著鄉閭或俯仰優游情怡泉石品雖各異趣則同歸至於百歲難逢問期頤而就見九京可作撫碑碣而如存信前事之堪師嘆哲人之已往亟備登之以為後來者勸

江華縣志

卷之九

人物

一

賢達

賢達

宋

唐彥範原名孺年十六與計偕皇祐初登進士第任陽朔令多善政其弟彥輔彥隆彥經彥材皆為縣令有聲人號其里為五知坊著有陽朔文集傳世

蔣侗字僊期周覽經史為文矯健有風骨元祐時與弟任同登進士授江西瑞州府新昌縣丞法紀自持兆民感戴旋歸之日行李蕭然其在林

下惟以典籍課□子弟而已

李□性恬淡寡慾學問醅正登紹興時進士任清遠主簿遊宦數年歸和藹鄉井優游林泉以終李長庚字子西甯遠人遷江華廉潔高曠安貧樂道登紹興進士官通判乾道間遷知賀州軍事入官五十年如寒素與楊誠齋謝良齋爲友蓄書數千卷名其齋曰冰壺時稱冰壺先生卒年八十有六所著有冰壺文集子大言大光皆特科進士共墓在今縣西南五里入祀甯遠鄉賢

江華縣志

卷之九

人物

二

賢達

祠

李大光長庚次子以淳熙五年特科進士任新昌令博集羣書校讎典籍尤工詩賦几名山勝境咸有品題焉

蔣介夫興德鄉人由慶元二年特科進士任吳縣令值年饑賑濟多存活且捕緝有法造士有方民安事治

唐鑑嶺東人生而穎異有志大業讀書至忘寒暑性仁恕謙恭獎掖後進以慶元五年特科進士

任思恩縣令吏治整肅振拔單寒有士人赴選
艱於貲捐囊助之

蔣嶠介夫同族由嘉定四年特科進士任廉州推
官賦性穎異博通子史爲政平恕不事操切輕
生梗化之徒悉洗心從善後掛冠歸士民嘖嘖
稱頌

楊參興德鄉人登寶慶二年進士知義合縣文詞
富麗名噪一時治本經術所造士多成名者及
歸問字車滿戶外焉

江華縣志

卷之九

人物

三

賢達

陳汝諧幼負鉅志博極羣書髫年遊庠未嘗干謁
公庭紹定時登進士任廉州司戶賢聲遠播上
官重其品僉稱爲循吏

蔣應庚介夫同族由嘉熙二年特科任秘書省校
勘嘗舉狀元張淵微其服官依然儒素告歸在
鄉不廢誦讀士林仰之

蔣斗薦興德鄉人由寶祐四年特科進士任循州
重樂令在縣政簡刑清風醕弊絕閒與知交眺
臨山水所在俱有題咏時邑士有倦於學者書

詩於箠以勵六士遂奮焉

費楷景定三年特科進士任四川營樂州學博賦性仁厚佐邑令周暉奏減本縣二稅祀鄉賢

府志

謂當是隆慶選貢舊志與明費柏作一人均誤

陳大聲字應龍汝諧從子少負敏質以文鳴於世咸淳四年登進士除鬱林州司法剛直不阿辯疑獄數條衆以神明頌焉既而與民休息行所無事未幾窮陬喬野化若仁里歸林後謹厚謙退喜怒不形教訓子孫而已

江華縣志

卷之九

人物

四

賢達

費綽天姿穎敏好學不倦凡經史子集稗官內典罔不披覽考核精詳每有獨得不襲俗儒常談後以咸淳四年特科進士任湘陰令勸農課士振興文學未幾歸林以詩文自娛一時名士爭傾慕之

劉謙夫昌辰之孫卓有丰裁潛心經史咸淳七年同弟振玉領鄉薦謙夫冠其榜次年同登進士任延平推官抑强暴扶柔弱多有異政及歸泉石自怡絕口不言世事士人咸矜式焉

劉敞秉性正直下帷讀書弱冠游泮食餼登景炎
二年進士任道州司馬恬退淡雅鄉里宗之
元

蔣溥太平鄉人賦性端方鄙薄世務惟耽嗜墳典
尤善音律一時名士咸以第一人期之後成延
祐二年進士任藤州推官有異績以不善迎合
致仕歸設教於家

蔣繼先太平鄉人由至順閒特科拜集賢院直學
士博涉墳典雅擅名宿操行古介事持大體常

江華縣志

卷之九

人物

五

賢達

以名臣自勵焉

舊志作宋人
今從府志

鄧和十歲卽通文藝鄉里呼爲奇童及成人親師
取友朝夕講習以聖賢爲法年三十登至正五
年進士任廉州判陞會昌路知州所至獎掖士
類提拔單寒上官謂其造士有方欲陞擢之而
和淡於仕進遂解組歸

劉惟善性方嚴清介雅好讀書以進士任欽州路
安遠令公事之餘手不釋卷人謂其學仕俱優
云

明

蔣輝太平鄉人刻苦讀書或至丙夜呶唔未絕爲文時執筆默坐語不驚人不止也洪武中知縣楊守禮以通經秀士薦授北京樂亭知縣崇儒重士與俗吏不侔

楊紹宗字繼武大同鄉人永樂元年進士任刑部主事調廣西象州同知陞刑部員外郎明刑善斷一時推重

蔣珪大同鄉人領永樂十五年鄉薦任山東兗州

江華縣志

卷之九

人物

六

賢達

府推官調貴州烏撒府推官所歷整飭風紀平反刑獄言事不避權勢論人不詢細故遠近稱之入祀鄉賢

烏撒府舊作烏羅今照府志更正

歐陽志永樂時以貢生累官江西道御史立朝耿直力整風紀不避權勢卓出一時

沃潤太平鄉人正統六年鄉舉任北京寬河衛經歷恪供厥職慎守官常民敬仰焉

周卿性穎警自少以文名善草書工詩文正德三年進士任北吏部主事有請托者輒嚴拒之人

不敢干以私風節聞於都下

何汝賢喜蓄書日事校讐聲響俱忘惟一二知交過訪爲文簡潔如其爲人工楷書得鍾王法後以正德八年鄉薦任知縣甚有治聲

楊鑑以正德明經任柳城令自幼警敏讀書五行俱下官柳城時俗好爭訟從容開道以詩文之氣化之至今稱爲醕茂焉

黃廷聘字道行號瀾亭江華籍道州人穎敏苦學行義高卓人多敬憚之嘉靖二十五年舉於鄉

江華縣志

卷之九

人物

七

賢達

又十年成進士任南昌司李廉直不苟斷獄明決民有青天之謠丁艱起復補成都當道交薦尋召拜御史巡按兩浙監鄉試時掌院者浙人欲私其子弟以碧桃紅杏爲關節公不應見忤本堂移貴州僉事不俟命卽乞養歸杜門謝客鮮有識其面者子應元字汝仁號靜齋萬厯選貢宰粵東四會縣有惠政調雩都三載循異益著及去民涕泣走送肖像祀之薦擢南昌練兵同知以繼母老乞養歸杜門著書年八十一卒

費柏大同鄉人志尙性學嘗受業泰州王心齋之門領嘉靖四十三年北京鄉薦官知縣清公不滓民愛敬之比歸絕跡公門閉戶著書士人宗

仰焉

舊志誤作宋人費楷

蔣顯嘉靖中明經爲州同秉性剛介爲政平恕宦績著稱

陳善寶以萬厯明經爲江陰丞轉司臬知事興利除弊所至有聲上官推重之

熊惟清性嗜學富文詞氣宇岸異由天啓明經爲
江華縣志 卷之九 人物 八 賢達
舒城令能盡厥職士庶歸心後以吏事過勞卒於任人皆悲之

文學

宋

蔣謹修字信甫號敬夫江華籍道州人敏修之兄元豐時登進士性薄榮利耽精理學以易禮課子弟年逾八十手不釋卷著有家訓座右銘

蔣敏修字臻甫營道人年十五遍讀諸經子書其父燦命作無絃琴賦頃刻立成人咸異之旣長

以文名元豐八年登進士乙科任桂州司理參軍有文稿三十卷

蔣任字學伊太平鄉人元祐時與兄侗同登進士性敏警爲文揮毫立就喜談道學時以明理教人間爲詩歌寫懷而已其兄佐字柱九官河南通許縣時以詩往來唱和及後移居永明之馬河有擇里豈圖饒沃地石溪清水滌塵思之句風韻可思

費秘性跌宕不與俗交讀書過目成誦博雅能詩

江華縣志

卷之九

人物

九

文學

紹興時登進士爲象州教授操持清正禮賢愛士有古君子風

劉昌辰嘉定四年進士賦性聰穎博覽羣書善屬文尤長詩賦一時博學稱最

朱紱大同鄉人以紹定五年特科進士任賓州推官爲人邃養博學文自成一家名噪於時

陳王業汝諧子淳祐元年進士淹通有父風年七旬好學不輟臨終猶悠然賦詩有文集藏於家費崑家貧嗜學研討甚博善古文詞尤精易學開

慶元年特科進士任四川忠州學官身範多士
一時名雋多出其門後退居林泉惟購古書手
自校讐不下數千卷著述亦甚富家貧無力刊
布卒贈承事郎

李起棻韶年卽擅文譽能詩力追作者直溯初盛
而浸淫於漢魏復喜柴桑得其神髓每一篇出
人爭誦焉舉業有先輩風由景炎二年鄉貢進
士官遊數載遂歸林下以詩古文自負遨遊山
水求元柳所不至者與二三友人按蹟追尋務

江華縣志

卷之九

人物

十

文學

探其奧而後快有浪石寺蔣大士塔記及彌勒
寺田記今尙存焉

元

失攷

明

歐謙太平鄉人姿宇和暢與人交不渝能詩得盛
唐意永樂二十一年領鄉薦爲後進標準云

胡良富文詞喜交遊騷人辭客往來不絕以永樂
中明經任成都衛經歷有西蜀文選行世

費一貫一本之兄大同鄉人中成化二十二年鄉

試性淵靜簡淡未嘗以喜怒加人其教授生口
循循善誘以一二語開悟令其自得故脫穎者
皆奇士

蔣瀛灝之弟太平鄉人宏治明經任大順主簿性
豪宕博聞強識仗義輕財嘗購貿書史以資寒
士其高風雅志人至今慕之

蔣枻灝之子弱冠通經史正德時歲貢不仕居家
藹如教子弟有法文篤行義未嘗以氣凌人

歐陽曜穎敏篤學嘉靖時以明經任德慶州司訓

嚴課生徒誨迪有方不受貧士贄賢聲遠播四
方請業者不絕云

何餘慶嘉靖時歲薦司安慶府訓修飭師模漸摩
士類以詩禮課授子弟年至耆頤手不釋卷

蔣坤枻之子思承祖志閉戶潛修博洽羣書尤精
易學一時名彥共相推重數奇不偶未嘗形於
詞色益修行立誠嘯咏自如以隆慶明經終老
蔣璉太平鄉人博洽能文膺隆慶間歲薦淡於仕
進族有貧乏者周之無德色喜書草遒勁有唐

人法

舒豐太平鄉人爲諸生時警敏絕倫徧治經史該博淹貫萬厯中以歲貢司應山諭課士有法黜浮靡之詞閒與談詩終夕不倦其所題咏爭傳誦焉

蔣茂芝太平鄉人穎敏勤學爲文有風骨生平寡言笑與之談文又亶亶不休令聽者忘倦萬厯中以明經司隆安諭起靡式衰學校丕變

舒鳳翼萬厯歲貢少有才譽以詩文擅長任泰和

司訓課士之餘飲酒賦詩及歸里不談世事日與親友遨遊山水題咏甚多

王萬福字德慶天性醇謹渾樸無華耽嗜百家爲文常擬眉山父子由萬厯歲貢任石埭令字民豈弟及還爲鄉祭酒一時推仰之

劉元科性徜徉不羈博洽好古文不襲俗知縣彭弼薇慕其才數造廬訪之或偕遊於陽華暖谷吟咏不可勝紀不求仕進以天啓恩貢終老

何楚元英年嗜學博洽羣書崇正中以明經授貴

州司訓集邑志鑄祭器矜式多士有功學校焉
蔣登雲字青選好學力行砥礪廉隅螢窗雪案午
夜不倦文章髣髴秦漢時俗淫哇不屑也有聲
庠序試輒前茅且樂獎引後進問業者戶常滿
無倦容邑中建造諸盛舉又急於倡導人咸式
六稱爲青選先生云

國朝

陳所養號浩然順治閒明經志潔行端教授生徒
叩鳴詳盡使人心悅意解課暇鎮日危坐門無

江華縣志

卷之九

人物

十三

文學

雜賓遠近稱之

陳楚先字伊人順治閒拔貢厚重樸茂勵學精勤
生平潔清自愛人咸重之

熊鳴玠字思常慷慨豪邁學問淹博善古文辭暮
年好學不倦嘯詠自適士林有得共片紙者咸
什襲珍焉以順治閒明經老

蔣逢甲字爾鼎淵靜簡澹未常以喜怒加人由康
熙閒明經司訓保康及歸囊橐蕭然

胡思虞以康熙明經司訓麻陽兼攝五寨司學篆

循循善誘以名理開悟生徒故脫穎者皆一時
杰士

陳大啓字道明所養次子也幼警悟丰姿瀟洒下
筆多驚人句髫年游庠以康熙閒明經老著作
等身遠近傳誦

陳于簡字思伯大啓之子早孤力學善詩甫十一
歲巡撫試觀風拔第一獎以絹二硯一送歸里
遂名振湖湘後以歲薦兩司安化訓陞監利教
諭歷十八年造就有方致仕五年壽八旬終

江華縣志

卷之九

人物

十四

文學

胡如炎字在西號晦盦邑諸生少孤事母孝力學
能文言行以古爲法設教鄉塾多所成就屢取
高等時人咸以遠到期之年三十四沒著有晦
盦遺稿

唐澈邑諸生九歲失怙依母憤讀雖晨飧不繼晏
如也丁酉領貢成均司鄴縣訓士咸宗之著有
澹泉詩稿尋樂園文集

何景升字凌雲邑庠生動作循禮博覽經籍以理
學爲宗後進咸尊事之

陳履韓邑廩生爲人敦實通經好古江華宿師音韻沿訛履韓嘗以朱子所云吾道所寄不越言語文字一言苦心思之於字畫聲韻之學皆有心得邑士知詩履韓之力爲多

雷光壁號梅川乾隆辛酉科拔貢立品端方好學不倦爲文矯健有風骨工詩善書一時名雋多出其門

楊愈炤號融軒博文強識文有奇氣屢試高等以嘉慶辛酉科拔貢考取教習以知縣用改授鄴

縣教諭卒於官

楊愈活邑諸生幼敏捷能文爲人寬厚簡默不苟言笑以明經老子向越向廷俱貢生

何景槐號蔭亭幼孤事孀母以孝聞家貧嗜學研討甚博弱冠游庠試輒高等居恆以授徒爲事邑中知名士多出其門以嘉慶癸酉拔貢歷任巴陵安福鄴縣等處教諭子學烜廩生

陳炯號清齋工詩文善書法事親以孝聞由歲貢肄業國子監五年試北闈薦未售以父庠生文

衡年九十歸養臨行內翰程銘贈以駢語有羨
理學之精詳愛文詞之雅宕云云後授甯鄉教
諭旋陞茶陵州學正著有一氣圖說並瀉游雜
咏孫敏中庠生

蔣存仁號樂山邑諸生性敏好學工詩古文詞年
七十餘猶孜孜不倦以歲貢銓臨武訓導未及
赴任而卒

吳朝欽號敬齋幼聰穎鬢齡遊庠文名藉甚中年
學尤深邃著有醉經堂文稿後以歲貢銓茶陵

州訓導未及履任卒年七十六

楊樸號樵之道光乙酉科拔貢少聰穎弱冠遊泮
文名噪甚道光十二年逆獠趙金隴滋事捐貲
助餉事聞議敘六品邑令林先樑旌以匾曰志
切同仇年甫強仕卒子尙燮庠生

雷州鶴歲貢生貌魁奇性恬淡學問宏博年七十
餘猶手不釋卷居恆教授生徒尤循循善誘卒
年八十二

游雲錦性敏好學甫弱冠遊庠訓迪有方後進多所

成就以歲貢銓安仁縣訓導未履任卒年八十
二

忠孝

元

劉仲興從化鄉人有智勇元末兵起仲興率眾保
障地方民賴以安洪武初歸順授廣西賀縣千
戶

明

劉蘭孫從化鄉人生而魁偉性剛有謀畧洪武初

江華縣志

卷之九

人物

十七

忠孝

蔣家河賊首李夜义作亂永州府判領兵征勦
數月未獲聞蘭孫勇請以爲助是夜蘭孫夢神
人語曰某日時伏兵某處可以擒獲如其言一
鼓擒之居人稱快號爲義勇及卒立廟祀之黃
應元作詩刻壁上載藝文

國朝

李發英字又明沉毅有權畧爲諸生時邑令王克
遜眷屬爲亂兵所繫發英與陳大政吳昌應等
以計解其兵器盡縛而殲焉以此負義俠名後

官浙之嵯縣丞清慎嚴肅民咸頌之

楊尙煥新建坊人道光二十五年補浙江布照磨署西安縣事旋加捐知縣補河南西華縣卓有政聲以軍功保直隸州陞用署准寧嗣因公降調八年捐復知縣指發浙江十一年冬賊圍浙省奉委防守東門城陷與賊巷戰力盡身死子振城見父死憤激殺賊遇害妻章氏女雲嫫鳳嫫姪女愛嫫姪媳糜氏同時自盡同治七年其胞姪四川候補知縣振鈞在京具呈經都察院

奏奉 上諭楊尙煥合家同時殉難洵屬一門節烈深堪惻憫著浙江巡撫李瀚章迅速查明奏請旌卹

王吉昌字德才號容圃錦田黃竹寨人少好學兼善騎射居家以孝友開咸豐二年粵匪陷全州洊及江華吉昌奉父燦羨命倡立團練得銳勇千人隨同官兵防堵卒保巖疆三年六月股匪鍾乃康率眾數千圍攻錦田城時在城弁兵出援永明鄂司馬倉皇無措吉昌復糾集精壯三

百餘人擊退之追殺無算事聞賞外委是冬毅
勇侯曾以兵部侍郎督師湘湘知其勇檄帶鳳
字中營隨同塔軍門進剿所向有功沿路追至
湖北因克復武昌城池身受重傷假旋南省調
治六年四月髮逆陷江右十一府州縣餉道隔
絕復奉曾侯檄調進援時吉昌已保舉花翎都
司感激圖報自備資斧募壯勇千人立爲長字
營虎勇由省城取道赴江沿途克復萬載新昌
上高安義靖安等縣餉道遂通時有悍賊擁眾

盤踞奉新城各軍畏縮莫前吉昌率所部奮擊
半月餘殲賊近萬適各路賊分途來援吉昌復
出奇兵勝之乘勢撲城伏發中礮沒事聞奉
旨照都司例子卹入祀昭忠祠並於盡節地方及本
籍建立祠宇給雲騎尉世襲

王成仁號壽山吉昌子生而英俊謀勇兼備咸豐
十一年承襲雲騎尉補授永州鎮標中營守備
同治元年隨鎮軍往直隸剿辦捻匪積勞成疾
二年凱旋抵家死子祖耀承襲

韋熊飛錦田人由行伍保舉任錦田高村汛額外
外委後任道州四广橋外委甯遠縣把總咸豐
二年隨余軍門剿賊廣西在全州太平舖戰沒
事聞奉 旨褒卹給雲騎尉世襲

鍾元興錦田人咸豐五年投入長左營効力以功
薦保遊擊賞戴花翎並給尙勇巴圖魯名號擬
保記名總兵同治四年三月二十六日髮逆僞
侍王李世賢據福建漳州元興率所部撲其營
身先士卒奮不顧身中礮陣亡事聞奉 旨

江華縣志

卷之九

人物

二十

忠孝

照擬保官階從優議卹贈提督銜入祀昭忠祠
並給騎都尉及雲騎尉世襲

唐步雍咸豐九年投入湘字營曾在廣西賀縣剿
賊出力同治二年隨邑紳王德榜往浙江衢州
防堵三年三月在華埠街戰沒入祀永州昭忠
祠

蔣崇家歲貢生夢蘭弟也素懷忠義咸豐九年賊
入江崇家督團勇百餘堵剿戰於溪江死之

唐際虞邑庠生成豐九年粵匪至其家被擄罵賊

死年六十二著有正氣歌排律六十首

附錄咸豐三四五等年髮匪入境殉難姓名

李成威李成裕李祿忠李增添李惟禹李存永
李楨祥李正樹李倫忠李連榜李永厚李緘忠
何亞登韋五煌李舜日李雲飛汪連科潘宏友
蔡其本任吉仁張漢揚蔣子祿羅文國李世祥
英啓進唐國先聶德福白明韶王順玉田紫恩
白天林鍾文星李世績謝尙友唐癸仔龍愛仁
李增春李覺忠李正龍李存明李存卓李增慈

江華縣志

卷之九

人物

二十一 忠孝

陳肇登陳祖苟蔣得勝奉財一奉明周陳肇黎

劉昌文

六品
軍功

劉興寬黃正偉

八品
軍功

黃耀良盧輝

宗黃耀序黃輝品黃耀進黃耀甫黃錦寬黃耀

炳劉逢詩劉泗涇劉萬錫劉興茂劉昌成盧幼

登盧潤光盧午光盧月光程福添程子芹程苟

晚程廷恩白苟三李花達程啓念張萬華呂明

信左家煬英啓明黎之品黃相周黃耀浩黃正

聖黃耀常黃戢光盧念學盧昌元盧學彥唐崇

祺李成江何善貴劉國臣于啓繁陳昌羣陳福

元陳肇光黎正舉曾國俊梁京仔李開坤史大
一于甲一朱繼宗雷安祐于苟廷彭光昌魏苟
仁雷念苟雷開雲陳舒貴于應仔陳苟小朱世
漳羅方應韋思見韋啓達鄒光貴張德陞黃日
通李大枝李輝球莫正清李開舜唐順彩朱勝
元巫亞義巫成才陳榮仕陳傑古謝如枝蕭守
仁盤進才馬思高蘇芝恩軍功六品謝芳堯譚福通
李達善莫鳳玉毛濟發李仲枝謝芳流褐廷信
陳貴隆周紀生劉靈生張發生陳道珍袁慶瑞

江華縣志

卷之九

人物

二十二

忠孝

廖發生莫永成陳賊喜黃教古黃石保李孔周
郭世芳聶永祿李世銘聶積寬陳大孔倪光亮
李三興蔣昌禮黃中洲黃宏彩黃勝其郭貴恩
李新枝朱鳳新李添枝李友源劉遠松劉遠枝
蘇景滔潘廣慶莫友富朱秉貴丁夕訓莫元亮
周古任曾朝坤高明魁張家運李林清鍾新保
歐伯遠張進揚盤有才歐孔興黎成喜岑成梅
熊安堯岑鳳高陳玉揚岑鳳皓梁現清熊庚壽
陶退滿岑江甯岑江輝梁甲保陳成佑成廣山

岑鳳麟陳照恩梁正壽岑江顯李勝才陳善高
梁昌彪陳福佑岑何興陳鳳全梁廷遠梁昌就
陳如林陳世隕陳元清陳元奇陳朝隆陳仲林
鄧朝電盧元華陳普順陳元滔陳祖賤陳祖滿
陳世信陳長兄陳元生陳長恩陳元繼陳現滔
陳相海岑鳳坤陳周興陳趙興陳世輝陳世連
陳現浩陳善文陳善年陳林昌陳現枝陳現得
陳桂乾陳世先陳桂明岑鳳淮岑鳳陽李廷吉
梁仲松熊新啓熊安亮岑永進岑江偉岑永恩

岑江茂成付海李成學李相賢陳如琴陳如品
陳如涯岑鳳周陳現彪梁昌斗岑鳳總呂尙廉
梁廷順梁昌宇梁昌軒梁頂保梁才壽陳世仁
陳卿陳如柏陳世坤陳仲清陳仲美鄧仲堂鄧
仲枝鄧仲華鄧普光陳元卿陳元鰲陳□佑陳
學才陳長亮陳世俊陳元和陳善昌陳現才陳
相龍陳相江岑河山陳彩興陳玉興陳世亮陳
元淮陳現美陳善恩陳茂昌陳善禮陳現河陳
現太陳日山岑鳳才陳越才岑河林鄧成滿陳

煒蔣復順潘孝大唐復璋唐復珪唐之洛伍士

溪唐心禮練德震

以上忠義

宋

唐開登建炎二年進士通判廉州有治聲性孝友

叔父貢以被誣死獄中開詣京師訟冤幾蹈不

測鄉人高其義入祀鄉賢

費天定淳祐壬子鄉貢養親不仕以篤行稱有墓

在大斗嶺

明

江華縣志

卷之九

人物

二十四

忠孝

蔣灝太平鄉人中成化二十二年南京鄉試賦性

公正穎悟絕倫居家孝友門內雍穆舉動皆可

爲法

楊奎奉親甚孝事兄如父與從子輩論事輒導以

天性骨肉之恩引今據古絕無塗飾以嘉靖明

經終老

蔣炳太平鄉人生而孝友事親無違篤於同氣好

讀書嘗至丙夜與兄弟談文亶亶不休辨難如

朋友晨興必問親安否而後程課性慷慨周戚

友不恡宗族鄉黨無間言

劉鍾傑從化鄉人生數月而孤母李氏撫育人
弱冠遊泮事母至孝一日母病篤鍾傑卧雪齟
天願以身代是夜母夢吞雪卽愈鄉人咸異之
卒年八十一萬曆中邑令陳瑞產爲請建坊
旌表

國朝

楊鍾岷邑庠生世居車下明進士紹宗後也年二
十母蔣氏面生惡瘡痛輒昏暈鍾岷以口吸吮

江華縣志

卷之九

人物

二十五

忠孝

其毒始得甦每夜焚香拜禱願以身代延歲餘
病篤而終三載未離苦次日惟餼粥蔬食而已
母服方闋父喪復繼居喪情文閱六年如一日
鄉里咸豔稱其孝

何鳴玉字儒友邑諸生性純孝色養甚篤甘旨溫
清必躬必親雖隆冬盛暑無少倦平居行義以
體親志教子以慰親心及凡可以悅親者莫不
勉爲年六十依依孺慕遭親喪哀毀骨立幾不
欲生邑令鄭鼎勳旌其廬

蔣拔邑庠生事親惟謹父病篤侍奉湯藥晝夜不眠焚香禱天欲減己算以益親年父病竟痊族里贊嘆焉卒年七十

蔣維鑾字鳳池乾隆恩貢立品端方篤孝友足式閭里弱冠有聲庠序曾孫紹賓候選訓導

沈光友母傅氏年七十兩目昏瞶起坐需人光友移榻母所朝夕相依每夜聞聲卽起雖隆冬盛夏無少懈母年九十五卒中間歷二十五年如一日里人咸稱其孝卒年六十五子騰蛟廩生

江華縣志

卷之九

人物

二十六

忠孝

孫鵬程庠生

李熾天性純篤八歲失怙及長灌園養母撫幼弟倍極友愛年二十三娶謝氏母老且病夫婦侍湯藥未嘗稍懈母恆謂曰爾夫婦事我至孝願爾子孫亦如爾夫婦之事我也至今里人傳爲美談云謝氏卒年八十九

伍奪魁邑武生家故貧咸豐九年賊擄其父箠索金帛奪魁請以身代不許傾囊與之賊未慊父子同時被害

李志岐性孝友咸豐九年粵匪竄境與弟峻山負母陳氏避寇賊追至刺傷其母兄弟相繼哀懇請以身代皆被殺聞者傷之

游賢書性孝友甫六齡母邁奇疾賢書侍湯藥三年罔閒未幾母卒哀毀若成人父雲浩嗜博從容幾諫卒諭諸道好施舍凡橋梁亭路捐修無所□有司里人負三十餘金欲鬻妻以償立止之遂取券焚焉卒年八十二孫道南廩生

蔣廷宣天性孝友家人化之五世同居乾隆二年

江華縣志

卷之九

人物

二十七

忠孝

邑令朱士魁旌之曰孝義之門卒年八十八

朱泰階邑增生咸豐九年賊犯境父歲貢生錫鄭病將革泰階侍湯藥不忍去賊拷掠其父伏地哀懇賊怒父子俱被害

廖子蘭性純孝幼時過江負米及返水暴漲無舟楫子蘭恐母饑強涉之被水衝流數里恍惚有人相拯遂得登岸歸後母病篤夫婦禱於神願減己算以延母壽母尋愈道光二十二年以恩詔給八品頂戴卒年九十六妻余氏壽八十

六孫拔元定魁俱庠生

蔣維人邑庠生□有至性母病瞽醫云須燒酒浸藥每日口含藥酒舐患處久乃可愈維人依言行之三年母目復明人以爲孝行之感年八十七卒子成麟庠生

唐汝棟字光宇早歲失怙天性純篤兄弟三人友愛倍至後析居獨養孀母十年姊妹匱資皆所獨具未嘗少有德色子爲煌貢生

朱異紫邑庠生成豐乙卯髮匪入境異紫看守母

江華縣志

卷之九

人物

二十八

忠孝

樞不去賊至被戕

以上孝友

節烈

明

費氏費斗南妹適夫蔣壩三年而寡有遺腹子復春值家貧窘母令改志截髮自矢且事姑孝育子勤卒成其子之名其卒也郡守王韜邑令胡璉並漳安商文毅輅俱作詩誄之載藝文

趙氏名尙貞太平鄉民趙志倫女家世業農貞獨聰穎異村女幼時每夜篝燈親女工聞弟文珊

讀孝經卽能默識仍與弟講說其義父以縣頒
諭民歌粘壁間讀至婦職婦德條拱手曰女人
不當如是耶平居足跡不出閨門隆慶壬申六
年父母許聘里人胡氏子時年十八字有期矣
屬富川苗寇境尙貞弟被掠知其姊慧美突至
家攜尙貞去賊驅牛促乘尙貞罵賊臥地不起
賊繫其頸拽以行仍截髮恐之罵不絕口伺間
抽賊所佩刀斷其助賊驚怒且恐官兵至遂支
解之邑令蔡光以其事聞奉文 旌其門並建

江華縣志

卷之九

人物

二十九

忠孝

專祠祀焉

李氏從化鄉李守善女年十八歸庠生劉繡越兩
歲生子鍾傑而夫亡舅早逝姑憐其少欲令改
適矢死不渝將遺孤送母家撫育七歲攜歸躬
紡績事姑教子長成入庠孀居七十九年內外
無閒言知縣陳瑞產聞之欲爲旌表李令其子
並諸孫力辭曰此婦女分內事何敢言旌陳嘆
服久之卒年九十九歲至萬曆十六年奉文立
坊因子鍾傑孝事孀母壽八十一卒題曰節孝

雙壽坊

陳氏何廷宦妻生一子名應選甫期年夫卽逝剪髮矢志栢舟五十餘年介節無間撫子成立壽九十餘卒

國朝

孔氏妹四洄溪孔君德女年可二十康熙三十三年三月中與同村婦女十許人入山取笋富川六寨蠻賊先伏於山中俟羣婦女至自林箐中突出眾見之愴惶亂奔獨妹四與一婦一女逃

江華縣志

卷之九

人物

三十

節烈

避不及爲賊所獲俱慰以溫言誘其相從二人畏死俛首聽之妹四不屈賊怒以刃脅之血流被項希其懼死少變氏愈悲號詈罵賊怒甚遂遇害後鄉勇四路窮追賊置所繫婦女遁去妹四臨難不苟之節反藉二人之口以傳彼二者其何以自立於天地間乎

趙氏蔣鳴璣妻生二女而璣卒璣兄鳴瑚嫂羅氏生一子尙在襁褓羅氏他適遺孤姪於趙家雖窶貧撫養維謹族人有諷以改適泣曰婦人從

一而終願孤姪成立以存宗祧鞠育不啻親生
堅貞之操閱三十餘年不改晝則躬採樵蔬夜
則嚴課針黹二女謹守閨範孤姪敬凜義方壽
六十二卒

蔣氏廩生陳于廷妻少時父兄以列女傳女孝經
指示其義輒默喻年十八適陳以善事翁姑聞
于廷性尙高蹈遁跡巖阿遺一子甫四歲氏矢志
守節百折不回閉戶紡績謹事翁姑不衣綵
不茹甘稱未亡人歷三十年如一日教子甚嚴

江華縣志

卷之九

人物

三十一節烈

有和膽畫荻風子應瑄爲邑諸生諸孫先後遊
庠年五十三卒

劉氏蔣襲周妻年二十餘夫亡矢志靡他孀居數
十年惟事女紅足不踰戶一子一女撫育成立
其清操有過人者乾隆二十五年請旌建坊

藍氏嶺東胡鼎儒妾嫡曾氏無出藍氏年二十五
生一子三歲夫死有遺腹夫臨終囑曰若再生
男其堅心保育之後嫡不與偕藍躬採樵蔬數
月又生一子遂另居東水營紡織度日曾沒後

方與二子歸家卒年六十

舒氏庠生楊如瑄妻生子本溥僅八月而夫亡家計索然氏矢志守節惟勤紡績以佐饗殮後本溥游庠克慰母心矣

劉氏朱喜兒妻生二女夫死主人朱君佐欲嫁之劉不從依於親屬君佐逼嫁益急氏怒碎毀家物拉二女並投於江

陳氏石鼓寨民之女贅夫黎苟晚未幾夫病瞽乞食於外家人欲將陳氏另嫁氏不從邑令鄭鼎

江華縣志

卷之九

人物

三十二節烈

勳嘉其志給穀二十石布四疋旌其門曰克敦婦道有隣人李聖楚趙端倫者各捐屯田十工以助之養陳氏藉以度日黎雖育不復行乞矣何氏胡徽之之妻年二十五適胡二載夫逝事翁姑盡禮白首完貞守節三十八年卒年六十三乾隆二十五年請旌

韋氏蔣維貞之妻二十五歲夫亡守節不二卒年七十三請旌

李氏唐立信妻甫生一女夫沒氏撫嗣承後曰苟

有後可從夫地下矣遂痛哭自經邑令陶金諧
作文致祭題墓曰清烈

貞女陳氏恩貢陳于宸女幼字李秉倫未嫁而秉

倫天女堅苦守貞卒年七十六歲

一作李
遇龍

貞女陳氏平江訓導陳應霖女幼字楊大奇年十
六擇期將嫁而大奇天女狂奔喪事姑惟謹堅
守二十九年卒邑令旌其門

朱氏庠生胡如山妻二十九歲適胡逾年生子甫
三月夫卽逝苦茹藜藿守貞保孤卒年八十三

江華縣志

卷之九

人物

三十三節烈

歐陽氏蔣廷江妻年二十四夫亡敬事孀姑相依
爲命撫孤持家備嘗艱苦

蔣氏唐繼宗妻青年喪偶子甫一歲苦節守貞撫
孤成立卒年七十七學使何學林匾旌之

貞女王氏庠生王永裊女幼字唐居盛未嫁而居
盛亡女矢志養親至老完貞卒年六十五

陳氏王廷齡妻年十七適王僅一載夫亡無嗣氏
撫姪承宗家極貧紡績自給苦節五十三年卒
年六十九

伍氏陳尙言妻二十歲適陳五年夫沒子幼家貧
有逼以再醮者氏截髮誓守撫孤成立卒年八
十四

唐氏年十六適郡庠生張二曦越六年夫亡紡績
治生義方訓子備嘗艱苦卒年八十三

劉氏增生李宗濂妻年十八適李僅五年夫沒遺
孤僅二歲姑先卒翁八十餘歲氏仰事俯育孝
慈兩全卒年七十

謝氏張三達妻年二十五夫卒事姑盡禮教子有

江華縣志

卷之九

人物

三十四

節烈

方卒年七十三

王氏唐之瑛妻年二十五夫逝遺一子上事祖姑
撫育孤兒人稱節孝卒年七十七

徐氏廩生何湛之妻幼習詩書恪遵禮義年二十
歸何不逮事姑而奉舅以孝迨舅亡夫死家貧
子未滿十齡冰霜自矢紡績以給饗殮以母兼
師子景槐以廩膳生選拔卒年六十三學使何
學林旌之

唐氏雷州侯妻年二十九適雷未半載夫亡篤志

堅守苦節四十八年卒年七十

楊氏謝若思妻二十二歲夫亡矢守卒年七十九
伍氏周大成妻二十七歲夫亡謹事翁姑食貧守
志卒年七十三

徐氏蔣崇儒妻年二十五夫亡矢節卒年六十七
陳氏唐立行妾年二十二夫亡苦節自矢撫子成
立卒之日人無閒言學使何學林匾旌之

杜氏李英賢妻二十四歲夫沒食貧守志卒年八
十

江華縣志

卷之九

人物

三十五

節烈

鄧氏徐上聰妻二十一歲夫亡兒甫半歲守志不
渝教子成立卒年七十八

伍氏楊大幹妻年三十夫沒守節撫孤義方是訓
年近八旬

朱氏林宗賢妻年三十一夫亡矢守五十年

宋氏楊樟之妻年二十三夫沒守節撫孤年六十
餘

徐氏廩生何洲之妻二十八歲夫沒家貧以女工
治饗殮誓志靡他年六十

劉氏陸大文妻年二十九夫沒遺孤四齡苦節自
矢年近八旬

張氏李猶極妻年二十一夫沒事姑惟謹撫幼以
慈年近七旬

胡氏庠生何學漢妻年二十三夫故悲慘幾瀕於
死戚黨勸以白髮在堂二子尙幼氏孝慈兩盡
年七十餘

蔣氏監生李宗俊妻二十三歲夫沒立嗣撫育零
丁孤苦年近七旬

江華縣志

卷之九

人物

三十六

徐氏伍啓烜妻年二十七夫亡氏矢志不二年七
十餘

金氏周昌雄妻年十九適周夫旋亡事姑惟謹撫
孤盡慈年六十餘

吳氏蔣廷濬妻適蔣三歲夫亡遺子二齡守志訓
子紡績自給年七十餘

伍氏蔣鰲之妻年二十七生子一夫亡守節現三
十五

王氏廩生陳定中妻年二十八歲夫亡冰霜自矢

年七十餘

蔣氏陳斌肅妻二十四歲夫亡無嗣翁姑年老撫子承宗勤紡績以資事育年近九旬

沈氏彭鍾發妻二十四歲夫亡守節五十一年年逾八旬

何氏蔣維士妻二十六歲夫亡守節六十三年年九十餘

蔣氏李泌洲妻年二十九夫故守節四十六年年近八旬

江華縣志

卷之九

人物

三十七

節烈

張氏楊武爵妻初則勤儉助夫既而冰霜矢志年近九旬

蔣氏唐之佐妻夫多疾病侍奉湯藥惟謹任卹貧乏里中稱之

甘氏劉正渭妻夫沒家貧女紅自給育孤苦守終始如一

劉氏監生楊楫妻守節三十餘年現年六十四歲子尙俊監生成豐三年請旌

伍氏蔣朝選妻年二十九夫故守節現年五十六

子芝瑞邑庠生同治五年請 旌

楊氏陳本金妻年二十四夫故守節現年六十二
子樹棠廣西三官堡巡檢同治三年請 旌

楊氏陳維聰妻年二十八夫故子廷亮甫半歲矢
志苦守現年五十三同治五年請 旌

何氏楊振堃妻年二十七夫故矢志守節孝事孀
姑現年六十一同治三年請 旌

蔣氏楊振元妻年二十九夫故矢志守節撫孤成
立現年五十三同治四年請 旌

江華縣志

卷之九

人物

三十八

節烈

唐氏廩貢生楊振基妻年二十七夫故現年五十
六同治三年請 旌

左氏游家端妻年二十六夫故矢志柏舟撫孤成
立現年六十子藝邑庠生同治五年請 旌

朱氏王一江妻年二十四夫故現年七十八四代
同堂同治三年請 旌

鄭氏廖開仕妻年二十八夫故孝事姑嫜撫孤成
立四代同堂卒年五十六同治四年請 旌

歐氏徐步融妻年二十五夫故矢志柏舟冰操是

凜卒年六十子省廩膳生同治四年請 旌

楊氏庠生何日曜妻年二十八夫故卒年五十同

治三年請旌

馮氏蔣崇橘妻年二十五夫故矢志靡他撫孤成

立卒年六十三同治三年請 旌子世勳

軍功六品

蔣氏何家瑞妻年二十八夫故守節家赤貧紡績

供姑膳現年五十八同治八年請 旌

孫氏彭仕祿妻年二十八夫故守節現年七十四

同治四年請 旌

江華縣志

卷之九

人物

三十九 節烈

莫氏李國明妻年二十四夫故守節現年五十四

同治四年請 旌

王氏唐爲栝妻年二十四夫故矢志靡他撫孤成

立現年五十四同治四年請 旌

楊氏歐陽祺妻年三十夫故一子亦殤撫姪孫國

泰爲孫以承夫祀現年六十二同治三年請

旌

楊氏歐陽萼妻年二十二夫故卒年六十一同治

三年請 旌

伍氏蔣成瑚妻年二十二夫故矢志靡他撫孤成
立卒年八十三同治五年請 旌

王氏楊向蔚妻年二十四夫故守節撫孤現年七
十四子得範廩膳生同治三年請 旌

王氏李景泰妻年二十八夫故誓守貞操撫孤成
立卒年七十八同治三年請 旌

楊氏歐陽韜妻年二十四夫故矢志柏舟撫孤艱
苦現年六十五子瑜廩生同治五年請 旌

彭氏沈□□妻年二十一夫故生一子尙在襁褓
江華縣志 卷之九 人物 四十 節烈

矢志撫孤事翁姑以孝聞卒年七十六子爾松
從九銜孫敏文增生同治四年請 旌

蔣氏楊發駿妻年二十四夫故矢志靡他事姑克
孝卒年五十六同治五年請 旌

貞女左氏雲容左遠傳之女幼字曾茂林爲妻未
嫁夫故氏時年十八聞訃奔喪誓以死殉絕食
者數日念夫無嗣出奩金爲叔娶卒年二十七
同治四年請 旌

曾氏周大梅妻年二十九夫故守節現年六十四

歲同治四年請 旌

楊氏王明炳妻年二十八夫故一子甫周歲矢志
撫孤卒年四十四同治三年請 旌

潘氏王大典妻年二十七夫故守節撫孤現年六
十八同治五年請 旌

曾氏張開選妻年二十三夫故遺孤尙在襁褓氏
矢志靡他教子成立現年五十四子鵬翥庠生
同治四年請 旌

劉氏黃星榆妻年二十五夫故守節撫孤卒年五

江華縣志

卷之九

人物

四十一節 烈

十四同治五年請 旌

林氏周國祥妻年二十八夫故守節四代同堂卒
年六十九同治三年請 旌

彭氏周正武妻年二十七夫故守節現年六十子
二長家學從九職銜次愛蓮廩膳生同治三年
請 旌

楊氏周正廷妻年二十九夫故現年六十七子召
南庠生同治五年請 旌

唐氏蔣開龍妻年二十九夫故矢志冰霜卒年五

十九同治五年請 旌

王氏何學炳妻年二十九夫故矢志冰霜卒年五十二同治四年請 旌

楊氏劉景襄妻年二十二夫故守節現年八十五同治四年請 旌

李氏魏光賢妻年二十八夫故守節現年八十八同治四年請 旌

馬氏邱盛蘭妻年二十六夫故守節現年五十七同治四年請 旌

江華縣志

卷之九

人物

四十二

節烈

曾氏馬從魁妻年二十九夫故守節現年六十二同治四年請 旌

劉氏何育松妻年二十四夫故守節卒年七十二子步雲武庠生同治五年請 旌

謝氏林時旼妻年二十四夫故守節卒年七十八同治五年請 旌

賀氏劉國學妻年二十四夫故守節現年五十八同治五年請 旌

賴氏監生林榮璋妻年二十八夫故守節現年六

十二同治五年請 旌

黃氏楊文典妻年二十七夫故守節現年七十五
同治五年請 旌

周氏武生王文楷妻年二十七夫故矢志柏舟事
姑克孝現年五十六長子明勳庠生次明炬監
生同治三年請 旌

蔣氏庠生伍占魁妻年二十一嫁甫兩月夫故矢
志守節撫姪承祧卒年七十六

舒氏伍長珠妻年二十二嫁甫半載夫故誓守冰

江華縣志

卷之九

人物

四十三

節烈

操撫姪承祀現年六十一

蔣氏歐陽白玉妻年二十八夫故無子矢志柏舟
撫姪承祧卒年七十五

歐陽氏彭宗書妻年二十四夫故矢志守節卒年
四十五

陳氏彭宗洛妻年二十四夫故誓不他適茹苦含
辛現年五十八

蔣氏庠生唐學良妻年二十九夫故守節撫孤卒
年七十五子懋勳庠生孫立相庠生立紀歲貢

生

楊氏韓潔妻年二十四夫故矢志守孀家甚貧紡績事翁姑撫孤子成立現年五十二

唐氏蔣世祥妻年二十六夫故守節不二卒年四十三

唐氏蔣振翹妻年二十一夫故矢志靡他孝事翁姑現年六十七

余氏楊金聲妻年二十五夫故矢志守節撫育孤子卒年八十四子達上廩生

江華縣志

卷之九

人物

四十四

節烈

何氏李昌蘭之妻年二十六夫故守節撫孤卒年七十六

楊氏羅永才妻年二十四夫故無子氏誓不他適甘守苦節撫姪爲嗣現年六十九

歐陽氏蔣世鏞妻年二十八夫故矢志守節卒年六十二

藍氏監生蔣世齡妻年二十四夫故守節不二撫孤成立卒年七十一子德化衛守備銜

曾氏唐顯彰妻年二十三夫故誓死不渝紡績事

姑教子成立現年六十九

唐氏金文銑之童養妻十二歲夫故甘守苦節撫
姪爲嗣學使溫給柏操延齡匾以旌之現年六
十二

陳氏龍起濂妻年二十六夫故家徒壁立甘守苦
節現年七十五

蔡氏李家獻妻年二十七夫故矢志守節撫孤成
立卒年八十一

章氏浙江試用知縣楊尙煥妻秉性幽閒素嫻內

江華縣志

卷之九

人物

四十五

節烈

則咸豐十一年冬隨尙煥在浙省城失守尙煥
及子振城遇害氏偕姪媳糜氏姪女媛娛女雲
娛鳳娛同時自盡事聞奉 旨嘉獎詳楊尙

煥傳

唐氏蔣啓祿妻年二十六夫故守節卒年六十一
朱氏蔣士俊妻年二十六夫故矢志守節事育□
勞卒年六十九

唐氏蔣正輝妻年二十七夫故守節撫孤卒年□

十四

陳氏蔣秉渭妻年二十二夫故守節撫孤成立卒年八十四

唐氏蔣維瑜妻年二十九夫故矢志柏舟現年五十五

劉氏邑庠生劉其珀女幼許蔣維鉞爲妻未嫁而夫故氏誓不他字過門成服立繼承祀卒年五十五子攀桂郡庠生

唐氏庠生蔣崇學妻年二十八夫故矢志靡他冰霜是凜卒年八十子三長蟾次世仰三世聘俱

江華縣志

卷之九

人物

四十六

節烈

邑庠生

王氏胡青選妻年二十二夫故矢志不移現年五十七

廖氏劉如先妻年二十八夫故守節孝姑勤事紡績現年八十

蔣氏楊尙烺妻年二十八夫故立志守節現年六十八

蔣氏劉其璈妻年二十三夫故堅守苦節撫子成立學使汪匾以清操永福卒年八十一子崇杰

庠生

彭氏王仕富妻年二十夫故矢志靡他卒年五十六

朱氏魏秉湯妻年二十五夫故冰霜勵節撫孤成立卒年七十一

余氏唐正香妻年二十夫故守節撫孤卒年八十二
蔣氏朱錫謙妻年二十五夫故矢志守節現年七十二

王氏朱在松妻年二十六夫故矢志靡他卒年八

江華縣志

卷之九

人物

四十七

節烈

十九

劉氏庠生唐復麟妻年二十八夫故守節撫孤卒年八十七

唐氏邑庠生蔣漢卿妻年二十九夫故守節撫孤現年六十一

李氏唐心邦妻年二十九夫故矢志柏舟撫孤成立現年七十二子玉麟庠生

朱氏唐之康妻年二十八夫故冰操是凜勤苦撫孤卒年六十九

劉氏邑庠生朱樂成妻年二十九夫故誓不二志
孝事翁姑現年五十四

歐陽氏郡庠生朱紹程妻年二十四夫故守志撫
孤孝事翁姑現年五十一

秦氏唐材妻年二十九夫故守節不二撫孤成立
卒年五十一

朱氏馮書林妻年十六夫故守志不二孝事翁姑
現年五十三

李氏監生陳廣茂妻年二十七夫故矢志守孀鄉

江華縣志

卷之九

人物

四十八

節烈

閻稱道現年八十一

陳氏李定芳妻年二十七夫故家貧無子矢志靡
他苦守三十餘年現年六十六

唐氏朱泰極妻年二十七夫故矢志守節撫姪爲
嗣事翁姑克孝現年六十一

貞女陳氏五鳳廩生陳廷濟之女廷濟年老女矢
志不字撫弟姪以終親年現年五十

吳氏徐上彰妻年二十六夫故矢志靡他撫育二
子卒年五十五子景渭妻朱氏年二十八守節

卒年八十七

唐氏庠生徐綬妻年二十九夫故守節撫姪爲嗣
卒年六十

孔氏蔣廷秀妻年二十八夫故守節撫孤卒年六
十七

蔣氏庠生徐景淵妻年二十六夫故撫姪步青爲
嗣刻苦守節卒年六十四媳朱氏年二十四守
節孝事婦姑里黨賢之現年七十五

蔣氏義制文妻年二十八夫故誓不他適事翁姑

江華縣志

卷之九

人物

四十九

節烈

以孝卒年七十八

張氏陳周榮妻年三十夫故撫姪承祧家無擔石
辛苦備嘗卒年七十二

蔣氏徐貞妻年二十四夫故子歿擇繼以承夫祀
翁姑俱攬篤疾小心事奉甚得歡心卒年六十

蔣氏徐上國妻年二十七夫故矢志柏舟仰事俯
畜備極勞苦今孫曾繞膝僉謂節孝之報現年

六十

謝氏唐有連妻年二十九夫故矢志守孀卒年七

十四

徐氏庠生蔣世臣妻年二十九夫故矢志守節事翁姑以孝聞學使蕭給石貞山壽匾以旌之卒年九十二子德昭德粹俱廩生孫景韶庠生景鳳業儒

余氏曹鴻發妻年十五夫故居孀苦守孝事翁姑卒年六十餘

李氏韋思淮妻夫早卒守節三十年卒

歐陽氏監生蔣德遇妻年二十九夫故守節撫孤

江華縣志

卷之九

人物

五十

節烈

現年五十三子二長景哲郡庠生次淡泉業儒胡氏楊植妻年二十三夫故矢志靡他事翁姑以孝聞卒年六十二子尙禮理問職銜

楊氏監生唐汝霖妻年二十八夫故矢志守孀撫孤成立學使岳給世勵冰操匾以旌之卒年五十二子二長爲熙從九銜次爲烈增生烈妻蔣氏年二十九守節撫姪丞祧孝事姑孀現年六十二

陳氏楊尙煒妻年二十一夫故冰操是凜苦節三

十餘年現年五十七子振提監生

盧氏武生楊尙仁妾年二十九而尙仁故矢志靡他撫孤成立現年八十七子振楚武監生

蕭氏李世斐妻年二十七夫故家貧無子翁姑在堂氏矢志守節勤針黹以供甘旨現年六十

吳氏梁興富妻年十八夫故遺腹生子永楨矢志柏舟撫孤成立後永楨沒媳陳氏時年二十五克承姑志守貞不二又孫逢時妻沈氏年二十七夫故冰霜勵操善事重闡三代節孝人共稱

江華縣志

卷之九

人物

五十一節烈

之吳氏卒年八十五陳氏卒年七十四沈氏現年六十

歐陽氏楊達交妻年二十五夫故氏矢志柏舟事姑盡孝撫孤成立現年六十七

金氏沈爾柏妻年十五夫故翁姑憐其幼聽再醮氏翦髮自誓以伯兄子承嗣撫育成立事翁姑克盡孝道現年五十二

王氏庠生楊德明妻年二十五夫故無子撫姪承嗣卒年五十七子文蔚從九銜

饒氏安一澍妻年二十三夫故家貧守節紡績撫孤現年五十九

杜氏監生陳定豫妻年十八夫故無子矢志柏舟有諷其改嫁者輒泣曰烈女不配二夫薄命人曷敢有他志後撫姪承祧學使祁雋藻題額曰居貞致福道州何尙書凌漢贈匾曰貫時不改御史黃德濂贈聯曰冰雪爲心徽揚煒管芝蘭繞砌麻被紫泥卒年八十三子大韶候選巡檢陳氏伍聖勳妻年二十七夫故矢志守節現年五

江華縣志

卷之九

人物

五十二節烈

十

蔣氏徐汝作妻咸豐九年髮匪竄境氏攜女逃至東陽渡賊蜂至恐爲所污母女共投於河其子土保赴水援救俱死邑人士著有輓章

彭氏前署漕灘汛外委胡建常妻咸豐九年髮匪竄境氏負女逃至東陽渡賊眾麇至懼汚負女投河死

朱氏蔣昌書妻咸豐九年髮匪犯境被賊追逼懼爲所污抱幼女投水死時年二十七

胡氏蔣朝樟妻咸豐九年三月初十日爲賊所擄
欲污不從罵賊被殺時年三十三

朱氏唐之伶妻咸豐九年三月避賊古子江西岸
荻蘆中懼不免負子投河水淺未沒母張氏追
救氏解子付母囑遠去適賊猝至被獲甘言勸
誘氏佯許之請釋其母見子母去已遠遂託換
衣奮身躍入深淵死

烈女唐氏鳳翠唐永圖女年十五咸豐九年與父
兄同被賊獲賊欲污之撐拒號哭大罵不絕遂

被殺

吳氏蔣代林妻咸豐九年三月負子避寇木園村
山中賊踵至爲所獲氏叱罵峻拒賊不能污後
賊眾強擄入村因先解其子置敝櫃中持石磚
向賊亂擊賊怒殺之

朱氏唐之仕妻咸豐九年攜二子避賊村右方巖
中賊尋至恐爲所辱偕二子投崖而死

烈女唐氏唐之華女年二十咸豐九年與唐之仕
妻朱氏同避寇方巖中賊至懼辱投崖死

王氏謝祖哲妻咸豐九年三月初八日與謝祖玉妻蔣氏避賊道州九井村賊至逼汚俱赴水死烈女唐氏黛黛唐之品女年十九咸豐九年三月初七避賊於仙人巖旁竹叢中賊踵至勒其入館女知不免躍入深潭死

朱氏張光緒妻年二十四夫故家貧苦守節現年七十四

曾氏李景城妻年三十夫故守節撫孤卒年六十

江華縣志

卷之九

人物

五十四

節烈

蔡氏張相朝妻年二十六夫故守節撫孤卒年五十一

曾氏李騰芳妻年二十六夫故守節撫孤現年六十二

劉氏州同銜劉允瑜女夫楊光純素無賴家貲蕩盡氏依母以居傭作哺子有惡少窺其美以重金啖光純鬻之氏知之以告母母勸他適氏泣曰婦人從一而終誓不辱先人既而光純歸強拉之去先是氏知不免陰自服毒比至娶者門則

已僵矣聞者之哀時年三十二

義氏歐陽忠宣妻咸豐九年三月髮匪入境氏負
幼女隨夫匿山中賊尋至先縛其夫逼汚氏不
從賊殺其女以懼之氏罵益厲賊怒剖其腹而
死

吳氏楊發誦妻年二十二夫故矢志守節現年七
十六

彭氏黎光妻年二十八夫故矢志守節卒年九十
三

江華縣志

卷之九

人物

五十五

節烈

楊氏蔡其真妻年二十一夫故矢志守節卒年七
十六子第高庠生

甘氏余事富妻年二十九夫故矢志守節卒年八
十六

烈婦毛氏陳日旺妻年十八歸陳家貧夫跛操作
無怨咸豐九年被賊執逼汚不從賊以刃脅之
氏罵益厲並拾石亂擲賊怒縛樹下斲割之

烈女劉氏新娥劉國俊之女咸豐九年隨母避難
白勾山被賊搜獲逼汚不從墜崖死

烈女潘氏滿姬潘遜志之女咸豐九年髮匪入境
爲所執賊逼汚氏咬傷賊手被鬻割死

邱氏黃志豪妻年二十五夫故矢志守節現年五

十二

黃氏王國堯妻年二十六夫故矢志守節備極艱

苦卒年八十三

賢氏韋鍾國妻年十八夫故矢志守節現年七十

三

王氏貢生楊愈寵妻年二十六夫故矢志守節卒

江華縣志

卷之九

人物

五十六

節烈

年六十五

潘氏蔣大渭妻年二十一夫故矢志守節四代同

堂卒年七十二

趙氏劉芝娘妻年二十夫故矢志守節卒年六十

一

楊氏劉芝翰妻年十九夫故矢志守節現年六十

三

楊氏劉復禮妻年二十二夫故矢志守節現年六

十一

黃氏孫有恆妻年二十七夫故矢志守節卒年八十五子能容例貢生

高氏李忠旋妻年二十二夫故矢志守節現年六十五

歐陽氏劉開倫妻年二十四夫故矢志守節學使朱給勁節彌貞匾以旌之卒年八十四

李氏唐紹峩妻年二十五夫故矢志守節卒年六十五

李氏奉大和妻年二十四夫故矢志守節學使劉

江華縣志

卷之九

人物

五十七

節烈

給荻畫垂型匾以旌之四代同堂卒年七十九子明珣明鏡孫三元均庠生

黃氏何光熙妻年二十三夫故矢志守節現年五十一

鄭氏李景江妻年二十五夫故守節撫孤卒年七十一

善行

宋

蔣燦皇祐元年進士剛直狷介好善循禮里中有

值疫夫婦偕亡者遺一子一女家私不貲族人
朶頤焉燦撫於家視其田產而時稽之爲之嫁
其女而教其子有狂且者欲誘孤行非義毅然
以理繩之且示之法其謀乃寢孤後成立家產
無恙公之力也

唐奕登熙甯進士淡於仕進不問世俗事獨尙古
誼有友爲貧抱關於粵其母妻匱乏時周其急
楊義方世有陰德篤志讀書景定閒登進士敦倫
仗義卓有風概爲時望所歸焉

江華縣志

卷之九

人物

五十八

善行

元

劉護孫從化鄉人至正甲午歲荒長官將詣縣勘
災邑令恐擾民僞以豐報勘者去護孫奔至永
州再三爲地方哀告官始復來勘果實發倉賑
濟民賴以甦連荒三年嘗煮粥施濟里民立廟
肖像祀之

蔣文緯太平鄉人由舉人任江西建昌府教授性
樂義士貧不能自存者捐俸濟之又助之市書
以忤當道免歸居家惟立祭田卜先塋爲急喪

祭不用浮屠冠婚惟從家禮里中子弟有行不義者輒以理斥之不少假借焉

明

蔣復春太平鄉人節婦費氏之子天順六年大旱納米四百石入縣倉賑饑朝廷旌爲義民授七品承事郎散官

國朝

王之輅字爾乘居躬撝退與人不見喜怒之色古心古貌醅慤足風子孫以積德世其家

江華縣志

卷之九

人物

五十九

善行

何子茂有臨武客人宿於其家遺金一囊於床子茂檢得告於鄰人公視之客行至半途憶前金復返子茂具以實告全璧而去先是子茂艱於嗣明年舉一子人以爲善行之報

蔣信昌太平鄉武生性淳厚里人某貸金未還身亡其子措貸來償失金於路有拾獲者持報官召給還其子償債信昌聞義助之葬親雍正時邑令鄭鼎勳旌其門曰慕義捐金

馮嵩齡性警敏老成持重一日拾遺金白於縣後

得遺者還之邑令鄭鼎勳旌其廬曰拾遺不昧
蔣成嶧字棲雲例貢生平以孝友自勉慷慨慕
義有貧不能婚者出資爲完娶施棺木掩露骸
其好善多類此妻朱氏事姑至孝卒年八十二
唐立行邑廩生篤孝敦倫輕財仗義族閭至今稱
道勿衰

楊永洛字熊山邑監生慷慨好義族里中力不能
婚葬者常相資助乾隆丙午歲荒旱死者相枕
藉其暴露者施棺瘞焉年八十有五

江華縣志

卷之九

人物

六十

善行

雷州軾與弟州轍俱勤學工文樂善不倦遇貧不
能畢婚嫁及疾病乏貲購藥者輒解囊相助兄
弟均年九十卒州軾著有湘遊雜詠詩妻陳氏
卒年八十四

王三錫字命侯忠厚古樸好善樂施乾隆丙午年
邑大旱斗米千錢三錫捐米三百石賑饑全活
甚衆卒年八十三以子登武贈武畧騎尉

王登武字綸堂弱冠入武庠捐衛千總慷慨好施
樂善不倦先是邑無考棚登武倡捐剏建道光

五年邑令姚熊飛移建學宮獨捐三千餘金復
以身任其勞事竣議叙六品銜十二年逆獠滋
事以捐助軍餉復蒙議敘其他濟人利物之事
類如此卒年六十八子文杰府經歷文校戊子
科武舉加捐遊擊文梓文標文楷俱庠生

王燦羨號榮孚錦田黃竹寨人先世居廣東之東
莞縣父達敷始遷江華燦羨生而奇偉善居積
以故豐於財爲人急公好義咸豐元年粵寇竄
江捐貲募勇千人命子吉昌等率之分扼東河

江華縣志

卷之九

人物

六十一 善行

渡口與官兵爲犄角境賴以安三年土匪滋事
復自備資斧募壯丁三百餘人命吉昌督帶防
剿每歲歉輒往他處糴米平糶邑文廟書院及
橋渡諸建置皆所倡始又於郡城獨剏江華口
館并捐修郡學暨兩廡崇聖祠其好善類如此
子吉昌候補都司德榜福建布政使德權江西
題補道德安浙江候補同知直隸州德湖藍翎
三品封職德廣翰林待詔銜卒年七十六以子
德榜 封榮祿大夫

楊棠號清溪邑武生性孝友養志承歡雍睦無間
居恆敦尙氣誼慷慨好施與遇親故貧乏及里
中婚葬無措者傾助不少愒至邑中修建橋路
諸義舉輒以身先之子五尙熙廩貢生尙炯江
西候補理問尙炳衛千總尙炤壬辰科武舉加
捐遊擊尙煥河南西華縣知縣卒年六十二以
子尙煥贈奉政大夫復以子尙炤贈武顯將軍
妻伍氏年八十六卒贈宜人

蔣成翹修身養性樂善不倦邑中橋廟多所倡建

江華縣志

卷之九

人物

六十二

善行

卒年七十四孫紹賓候選訓導加五品頂戴

劉義國輕財好義曾捐義渡田數處近百工卒年
八十

蔣成德樂成人美同里鍾基兆羅滿仁胡三元等
娶妻乏貲飲助不愒又甘文芳及孔戊養兄弟
生死皆依賴之卒年九十一子崇舜武生

楊尙熙字之典棠之子急公慕義道光十二年逆
獠趙金隴滋事尙熙捐貲助餉事聞議敍六品
職銜咸豐元年以弟尙煥貲助奉政大夫子二

振墀廣東候補知縣振墮庠生孫宗銘庠生
劉時彥九歲失怙恃及長發憤成立家道小康遇
邑中修建美舉無不隨力捐助貸親鄰金弗取
息性尤孝以不逮事親每忌日倍極哀傷卒年
八十四子金榜增生

楊柄邑監生家故豐於財慷慨不吝凡邑中勸修
美舉必身先之事母色養備至教孤姪尙仁成
立子三長子尙禮承繼弟嗣尙功武生捐守備
尙志文生孫振倫廩生與妻朱氏俱九十一歲

江華縣志

卷之九

人物

六十三

善行

卒以子尙功封武畧騎尉

練光懦弱冠遊庠嘗因赴闈晉省途中拾花銀三
百元光儒坐候後失銀者尋至詢明還之聞者
咸高其義年八十以歲貢銓城步訓導訓士有
方著有清雅文集卒年八十八子時英歲貢孫
繡庠生

唐正璋勤儉起家好善不倦邑龍門橋萬善亭殷
家渡皆所倡修又獨力捐置渡船二隻卒年七
十子孫化之至今六世同居內外雍睦無間言

孫心德庠生

唐步濱邑庠生曾倡立古子江渡及龍門橋遇親故貧乏者尤力爲周給

黎廷理邑監生曾獨修大源冲口橋及頭巾山傍路數百丈又倡建鎮山寺書屋卒年八十四
梁英成慷慨好施乾隆丙午年大饑英成捐米二百餘石又勸同里殷實量捐爲粥於路以賑饑民全活甚眾卒年八十七子奇珍監生孫華國貢生

江華縣志

卷之九

人物

六十四

善行

余大章事親克孝倡修西嶽廟及邑東大路鄉里賢之

李子倫好施舍道光三年嶺東大疫死者相枕藉子倫施棺瘞之二十年歲饑復婉勸同里殷實者共捐米煮粥以拯卒年八十三
蔣獻珍家僅中貲推解不恪曾倡立古子渡及龍門橋後裔昌熾咸謂忠厚之報

唐天與性孝友父正國年八十二天與奉養不離左右嘗倡立界排義渡又獨建渡傍碼頭一門

雍睦五世同居卒年七十

唐

張子厚唐時人家於洄溪自號洄溪翁元次山聞而造之見其容若少壯問其年已八十餘問何以能此對曰巖下有泉田環於左右五世居此飲食取足無求乎他乃止次山宿次山贈以詩

刻於巖下後不知所終詩載藝文者按類書代

此人呼為洄溪翁元結聞而訪之贈詩刻在□□

與類書不合元結贈詩云老人攷八十猶能行□

江華縣志

卷之九

人物

六十五

隱逸

泰大歷間刺道州即上溯九十年且洄溪翁亦

應生於高宗時若太宗末九年生至此且百有十

明

徐自化厚重簡默作文遒勁淹貫典籍其教人也

色莊而和循循善誘操守甚堅終歲不入公門

膺明末恩貢勵志潛修高隱不出

蔣堯相太平鄉人髫年遊泮頭角崢嶸人棘闈數

次不遇遂以一經教子不入城市間與同遊流

連於陽華暖谷閒飲酒至一斗不醉為人和易

雖樵童牧豎亦與歡笑誘迪故耆舊見之必留
至數日不厭或倦出則閉戶擁書校閱左持卮
右搦管與古人相晤對識者謂其有隱者風焉
陳英宇達夫偉貌豐頤性恬淡生平無疾言遽色
少讀書過目成誦咸以大器目之忽一日嘆曰
華山希夷何人哉卽棄舉子業泛尋山水聞勝
地必齋糧徃或半年一歸或數年一歸家人莫
探所之後倦遊就近郭山水奇勝處構別墅居
之年九十餘猶能教元孫作小楷屢舉介賓以

江華縣志

卷之九

人物

六十六

隱逸

恩詔給六品頂戴其後裔炯有百歲翁傳
耆壽

元

陳任伍先世居江西吉安府之富塘坊至任伍始
遷居江邑大檻邨卒年八十八後嗣繁盛

國朝

李遵先邑庠生奮志讀書教育後進老而彌篤卒
年九十四

李廷琦字重韓邑廩生性純厚讀書養性無疾言

遽色卒年九十

楊大樹邑廩生事父能得其歡心閒以歧黃術濟鄉里不索謝邑令陶金諧以匾旌之卒年八十五歲其宗人先豪九十有二

張三恭邑職員髫齡失怙事母盡子職爲閭里所推重卒年七十三

楊永江邑監生守樸敦古處口不言人過足不履城市卒年七十四

江華縣志

卷之九

人物

六十七

耆壽

蔣士驥字先德邑增生品行端方不詭隨時俗卒年七十二

徐吉士持躬篤實以勤儉傳家卒年九十一

蔣啓詳邑監生樂於爲善卒年八十五

蔣宗詡邑貢生家世業儒能承父貢生士魁志卒年八十一子志清廩生

張三立邑庠生有聲庠序卒年七十四

游瑞松解紛排難貲力不惜娶婦練氏生子不踰時而氏歿瑞松誓不再娶卒年八十八

王榮先性篤友愛卒年八十一其宗人坤元素尙
樸儉年八十

歐陽道邑庠生少好學髦而猶勤年九十

李猶權字倚衡邑廩生居貧好學與物無忤以壽
終其宗人滄洲庠生性直諒又宗翰庠生雅有
文名俱臻耄耄

唐懋懦弱冠遊庠居恆敦孝友尙節概年八十二
卒子立釗庠生孫汪武生激廩生

唐懋勳邑庠生孝友性成慷慨不吝卒年八十二

江華縣志

卷之九

人物

六十八

耆壽

子四立相庠生立紀歲貢孫澈以乾隆丁酉拔
貢司鄴縣諭

蔣友信邑庠生性剛毅古道照人所行多利人濟
物事卒年八十八子維鑾恩貢生維漢增生

孫元基生平正直嘉慶元年以恩詔給九品
頂戴卒年九十一子行樸從九銜行忠恩

賜九品頂戴孫耀祖廩生占龍增生

謝見賢睦嫻任卹年八十卒妻歐陽氏卒年八十

廖存明治家整肅七世同居卒年八十九

陳文衡邑庠生老猶勤學兵部侍郎顧德慶贈以匾云粹然儒者舉介賓二次卒年九十弟文鏡文彪各舉介賓一次壽俱八十餘

陳照處世撝謙宅心忠厚道光十二年逆獠趙金隴滋事捐助軍餉事聞議敘八品卒年八十二
蔣正訓五代同堂年九十二

雷風醇施舍不吝曾捐百金重修邑西樂仙亭以恩詔給九品頂戴卒年八十四妻陳氏卒

江華縣志

卷之九

人物

六十九

耆壽

年八十六

徐琳邑增生現年八十三

劉其珀邑庠生耿介不阿年三十喪偶義不續絃弟早卒撫孤姪崇杰崇奇成立後同年入泮鄉里稱之卒年八十一

王正爵素行篤實卒年八十二

李友榘古樸可風卒年八十四

藍啓榮正直和平現年八十四夫婦齊眉子耀豐
歲貢耀奎耀鴻俱候選訓導

鄭全章老猶好善卒年九十四妻朱氏卒年八十
四

謝能宣性慈祥喜放生年八十三卒妻陳氏卒年
九十一

蔣德粹邑廩生屢試超等課徒盡職現年八十一
劉元臣性樸實現年八十三

劉正常性孝友卒年八十一
鄧茂義性情純篤卒年八十

伍朝相行止端方卒年八十三

江華縣志

卷之九

人物

七十

耆壽

謝永桂年八十三

廖子茂卒年八十六

李一亮周濟爲懷卒年九十三子家龍增生

陳廷槐居心長厚卒年八十四妻李氏卒年八十
五子鼎新庠生

李永秀生平安分絕無非爲現年八十三

張光級性愛樸素與妻朱氏俱八十三歲卒孫上
達廩生上智從九銜

張光溪卒年八十四

陳宏魁生平樂善卒年八十四孫雨蛟雨時俱庠生

袁景彥生平忠厚現年八十三

徐坤邑庠生溫厚和平卒年八十七

蔣世松邑貢生居恆授徒循循善誘五代同堂卒年八十妻楊氏卒年九十子德焜庠生孫登瀛廩生

歐陽乾祇父恭兄族黨推重卒年八十九子藻庠生

江華縣志

卷之九

人物

七十一 耆壽

何振坤恬淡好施現年八十六

歐陽善廷孝友無闕里黨咸稱道光元年以

恩詔給九品頂戴卒年八十五

陳品謙精岐黃多所全活以 恩詔給九品頂

戴卒年九十餘

周奇福溫恭謙退藹然可親以 恩詔給九品

頂戴卒年八十四妻汪氏卒年九十五子國仁年八十九卒國義太學生紹濂庠生孫長克讓

次冕俱庠生

陳學蘇勤苦自持與物無忤以

恩詔給九品

頂戴卒年八十五子金榜從九銜孫吉來監生

蔣復耀竭力事親始終無懈現年八十五

徐上朝邑恩貢好行善舉邑中廟宇橋梁多所倡

建卒年九十四

韓繩祖好周人急以

恩詔給八品頂戴卒年

九十

韓啓猷性樸素有古處風卒年九十六妻何氏卒

年九十三

江華縣志

卷之九

人物

七十二

耆壽

韓元吉勤儉興家教子孫以耕讀爲本夫婦白首

相敬如賓卒年九十四妻唐氏卒年八十五

蔣景隆廉介公平卒年八十四

唐潏邑歲貢人品端方居心正直卒年八十三

唐汝瑞邑增貢秉性剛直爲人排難解紛遇親鄰

匱乏者復施與不吝卒年八十四子爲業候選

巡檢

藍啓芳從九銜好善樂施現年八十二子耀哲庠

生

蔣鍾奇三歲失恃孺慕終身卒年八十四

彭三文五代同堂現年九十四

吳勝鰲敦樸無華現年九十五

歐陽文祥樸質不雕卒年八十二子廷昌從九銜

孫炳庠生

奉詞孝友無虧卒年八十六

唐士茂和易近人急公慕義前郡守劉以循良首

選匾旌之卒年九十六

高明焄心無欺僞卒年八十六

江華縣志

卷之九

人物

七十三

耆壽

陳鍾靈孝友克敦義方足式年八十四卒妻宋氏

卒年八十六子二賡歲貢生永華庠生孫樹勳

道光丁酉拔貢

李士慶勤儉可風卒年八十五子黎保庠生

何與錫樂於爲善卒年八十八子昇龍孫勝翔俱

庠生

李照昌利濟爲心卒年九十五子永政卒年八十

九孫光應庠生

唐聯化孝友忠厚鄉里交推道光十六年夫婦八

旬雙壽學使龔以同杖熙朝匾旌之卒年九十
一子復修增生杰庠生孫之健貢生之雋庠生
唐聯值性善好施卒年八十一子復鳳魁梧奇偉
治家嚴肅年八十時學使車以邵德懋祺匾旌
之卒年九十子之榮孫執中俱庠生
唐湛存心無僞尤樂於爲善卒年八十八孫爲植
監生

歐陽善進天性孝友推解不愒卒年八十五子五
瀚杰魁灝烈俱庠生孫登庠生德廩生

江華縣志

卷之九

人物

七十四

耆壽

唐立典邑庠生至性無虧潔清自好卒年八十一
子汾庠生潏歲貢孫汝璜增生

唐立憲敦崇古處卒年八十一子潔庠生

鄒仰先剛直不阿卒年八十二孫文學庠生

蔣正試居心忠厚不道人非卒年八十九

駱世興秉性樸質與人不欺卒年八十三

鄧定京生平好排難解紛以恩詔給九品頂

戴卒年八十七妻李氏卒年八十三

朱輝清安分守己不干外事現年九十四

李子用勤儉樸實年八十時以

恩詔給九品

頂戴卒年九十子升階孫肇元皆武庠生

汪炳行持身正大處世謙和年八十五子際唐保

舉主簿孫良驥廣東候補縣丞

袁廷階處世謙恭制行純謹年八十二

王仲翔克敦古處年八十三

陳永鑑家故貧困竭力華親卒年八十七

楊方壽素行純篤卒年八十三子德灝太學生孫

文幹增生文鋒郡庠生

江華縣志

卷之九

人物

七十五

耆壽

李國香誠實不欺卒年八十四

賴揚祖忠信誠慤卒年八十四

安國福古處是敦卒年九十八

安國祐勤儉治家忠厚處世卒年八十二子定邦

庠生

宋學富□誠無僞卒年八十八

黃志福卒年八十八

黃朝明卒年八十三

梁世端卒年八十一

陳尙壽孝事繼母友愛兄弟卒年八十三子永香
從九銜

陳永純剛正不阿卒年八十一子學蘇附貢生

陳學詩早歲遊庠束身自愛卒年八十一子二金
品歲貢金誥卽選按照磨孫吉人廩生玉春吉
敬俱庠生

陳學禮邑附貢灑落不羈現年八十一子金鏐廩
生

蔣維疆邑貢生賦性端方坐立不苟屢試高等卒

江華縣志

卷之九

人物

七十六

耆壽

年八十九子二一游庠一食餼

蔣志和善事父兄孝恭無違道光二十七年以

恩詔給九品頂戴時年八十子世世文庠生

唐汝健寬厚和平與物無忤咸豐十一年以

恩詔給九品頂戴現年八十二

劉鍾鶚邑武生品行端方性情純摯卒年八十七

蔣崇本邑武生卹貧周急卒年八十二子世松歲

貢

蔣崇初年十三失怙恃叔父伯兄兄偏僻崇初善

事之以 恩詔給九品頂戴年八十四卒妻

木氏年八十六子世景庠生世星武生

馮崇明與弟崇朗崇陞俱存心忠厚里黨交推年

八十二卒崇朗卒年八十二崇陞卒年八十一

魏中周誠實無僞以 恩詔給九品頂戴卒年

八十九

程先富坦白居心與物無競卒年八十八孫遠祥

近仁俱武生

王任楚忠信篤實卒年八十五孫貴安庠生

江華縣志

卷之九

人物

七十七

耆壽

歐陽定岐治家有道待人以誠道光壬辰年學使

岳以德厚延齡匾旌之卒年八十三子徽孫奇

觀俱武生

彭學文勇於爲善卒年八十二子仕霖庠生仕際

仕清俱監生孫奪元廩生定邦監生正笏庠生

彭學忠學文弟性孝友兄弟同居六十年雍睦無

間卒年八十三孫兆元庠生

鄧滋廣忠厚傳家詩書教子現年八十三妻譚氏

現年八十夫婦齊眉人咸稱之子相吉庠生

陳天祿樸茂有古風卒年九十八

陳玉界排難解紛鄉里推重以 恩詔給九品

頂戴現年八十五

歐陽良玉鄙吝克捐凡濟人利物事無不勉爲之

卒年八十五

陳久馨生平樂善以 恩詔給九品頂戴年八

十一卒子學詩庠生孫金品歲貢金誥卽選按

照磨

陳周欽天性循謹以 恩詔給九品頂戴卒年

江華縣志

卷之九

人物

七十八

耆壽

九十二

黃仕理孝友足式卒年九十二

歐陽程邑監生性孝友卒年九十一子鍾彥廩生

鍾耀武庠孫齡銘紹詢俱庠生

唐載陽性和易喜施舍卒年九十二孫有光候選

訓導

余大江居心渾厚咸豐元年以 恩詔給九品

頂戴卒年八十三子金鳳軍功八品金甲歲貢

孫學周武庠生

范應達雅量能容不較橫逆咸豐元年以恩

詔給九品頂戴卒年八十一子智遜武庠生

劉文遠咸豐元年以恩詔給九品頂戴卒年

八十五子學良軍功八品孫禮仁監生

陳鳳廷同治元年以恩詔給九品頂戴卒年

八十一子九雲監生

蔣秉直好行義舉凡地方修建橋廟捐助無稍吝

卒年八十五子振習孫如桂俱增生爲藩國香

俱庠生

江華縣志

卷之九

人物

七十九

耆壽

奉大佑厚道待人卒年八十三子明輝庠生

奉明倫好善不倦卒年八十六子景漢景棠俱庠

生

壽婦附

黃氏庠生唐沅之妻卒年八十八子汝玠汝欽俱

監生汝瑞增貢生孫爲彬爲森爲栻爲樑爲樟

爲盛俱庠生爲業候選巡檢

劉氏從九銜蔣崇杭之妻卽選訓導紹賓母也年

十七歸蔣以善事翁姑聞後夫歿紹賓僅數齡

家不中貲紡績課子卒以成名鄉里賢之以子

紹賓 勅封孺人

黃氏廩生蔣德昭妻賦性貞淑事孀姑能得其歡

心卒年八十一子景韶庠生

黃氏王大信之妻年十四歸王善事翁姑姑性極

嚴朝春晚汲稍遲必責氏一以順承之無幾微

怨尤後翁姑相繼歿每忌日必祭祭必哀孫曾

三十餘人卒年八十二子維馨廩生

胡氏游元蛟之妻卒年八十六子二雲錦歲貢生

江華縣志

卷之九

人物

八十

壽婦

雲鍊庠生

葉氏游惟明之妻卒年八十三

何氏蔣正道之妻卒年九十

楊氏蔣正月之妻現年九十

鄒氏陳廷舉之妻卒年八十五子發甲從九銜玉

武庠生

胡氏廩生陳廷濟之妻卒年八十二子九疇庠生

龍氏太學生李上喜從九銜上忠上志之母卒年

八十七孫錦明邑增生

劉氏楊德章之妻現年八十二四代同堂子六長
圓庠生次文經監生

胡氏孝治相之妻子五秀春從九銜茂春武生孫
洪輝武生

李氏太學生黃繼弟之母孫懋修邑庠生

潘氏劉作任之妻卒年八十九孫正剛庠生

陳氏張文瓊之妻五代同堂卒年八十六孫載道
增生

鍾氏監生楊德灝之妻子五文幹邑增生孫十一

江華縣志

卷之九

人物

八十一 壽婦

人紹關紹元俱武生光溥經歷光杰從九紹西
監生爲楫文生卒年八十一

練氏李家驥之妻五代同堂卒年八十五

陳氏張居滄之妻現年八十二

吳氏徐思增之妻現年八十五

蔣氏庠生何華坤之妻四代同堂現年八十七子
日曜庠生

張氏歐陽鍾仁之妻現年八十三子珍廩生孫咸
武庠生

蔣氏庠生陳學詩之母卒年八十二孫金品歲貢
生金誥按照磨

蔣氏附貢生陳學禮之母卒年九十一子三學蘇
從九銜孫金玉貢生金榜職員金膠廩生

羅氏監生鄧興第之母躬親紡績遠近稱賢現年
九十孫蔚然庠生

朱氏伍薪之妻卒年八十子長春孫彩彰俱庠生
馮氏陳文鏡之妻卒年八十五

彭氏雷電開之妻卒年八十四子致霖庠生

江華縣志

卷之九

人物

八十二

壽婦

王氏陳殿翊之妻卒年八十二子昌儒增生孫延
德武生

邱氏廩生陳廷濟之祖母卒年八十三

胡氏蔣仕宗之妻五代同堂卒年八十五子三相
秦例貢生孫善才從九銜善斌庠生善敏增生

文氏封職伍功卓之母淑慎温恭孫曾繞膝卒年
八十五孫化光化鯤從九銜化蛟守備銜千總

陳氏貢生蔣友溪之妻卒年八十四子二維參邑
增生維穀文生孫成伊文生成鵬歲貢

陳氏蔣正東之妻現年八十七

楊氏庠生陳光宗之妻現年八十八

王氏謝永祥之妻卒年八十九

陸氏謝川賢之妻卒年八十七

廖氏謝永材之母卒年八十七

陳氏蔣成麟之妻卒年八十一子三勝蘭廩生保

舉訓導崇武太學生折桂文生

何氏增生謝崧之母卒年九十七

胡氏廩生蔣英之妻四代同堂卒年八十一子崇

江華縣志

卷之九

人物

八十三

壽婦

仁武生志和九品銜孫世芳增生世熙文生世

明武庠生

何氏蔣維士之妻四代同堂卒年九十七

張氏從九銜王任周之妻卒年八十五子三大智

四川永甯縣丞炳酉陽州龔灘巡檢大業候選

巡檢

曾氏監生魏光俊之妻卒年八十五子德元監生

孫慶雲庠生

廖氏魏中周之妻卒年八十六

傅氏廩生沈騰蛟之祖母孝事翁姑四代同堂卒
年九十五

蔣氏恩貢楊愈驤之妻卒年九十二子向濂庠生
孫得炳從九銜得坤監生

張氏鄭全福之妻卒年八十四

賴氏劉作伍之妻卒年八十二

陳氏龍起光之妻四代同堂卒年八十四

藍氏陳乃星之妻四代同堂卒年八十一子謙庠
生

江華縣志

卷之九

人物

八十四

壽婦

王氏郡庠生伍化愚之母卒年九十

李氏武庠唐九思九儀之母克敦婦道四代同堂
卒年九十孫珍聘庠生

唐氏韓元吉之妻卒年八十五曾孫炳文廩膳生

陸氏陳文魁之妻卒年八十六孫樹德庠生

陳氏胡景灝之妻卒年八十一子嗣瑗廩生

楊氏孫行樸之妻卒年八十九子占龍增生有怡

例貢孫能容例貢能慶廩生能蘭從九銜

王氏孫行忠之妻卒年九十子耀祖廩生

何氏唐立品之妻卒年八十一

陳氏從九銜唐爲楨之妻四代同堂卒年八十二
子五崇豫從九銜孫正行監生

林氏袁開洲之妻現年八十六

許氏李蒼然之妻現年八十八

劉氏貢生楊愈活之妻卒年九十子向越向廷廩

貢生

蔣氏何效坤之妻現年八十八

邱墓

江華縣志

卷之九

人物

八十五

邱墓

宋進士蔣璨墓在錦田大錫冲張家瀧

宋進士籐州府推官蔣敏修墓在錦田沸石嶺

宋進士光祿大夫蔣任墓在大錫鄧家瀧

宋進士江西瑞州新昌縣知縣蔣佺墓在錦田大

錫冲沸石嶺

宋進士桂州理刑椽蔣珂墓在縣東十二里水口

山

宋朝請大夫李長庚墓在縣南五十里有碑

宋鄉貢士費天定墓在大斗嶺

元進士蔣文緯墓在縣南十五里蓬田源

元進士蔣繼先墓在安仁鄉鄧家源

明薦舉通經樂亭知縣蔣輝墓在縣十二里水口山

明刑部員外郎楊紹宗墓在縣

明承事郎蔣復春墓在縣東八里地名安塘嶺

明舉人蔣灝墓在縣東十二里白河源

明舉人蔣珪墓在縣東北十二里水口山

明吏部主事周卿墓在縣

明孝子劉鍾傑墓在縣

江華縣志

卷之九

人物

八十六

邱墓

古遺愛墓在縣署後有兩碑豎墳前後姓名年代

失考上覆以亭同治七年邑署令李海觀建匾

曰古之遺愛

明節婦費氏

蔣復春母

墓在縣東五家源冲

明趙烈女墓在縣西十里地名大帽山脚有碑

國朝邱墓

孝子楊鍾岷墓在縣

誥封奉政大夫楊棠墓在縣西十里地名澤塘

特恩賞給二品誥封王達夫墓在黃竹寨西嶺脚

誥封榮祿大夫王燦羨墓在黃竹寨圍塘

誥贈奉政大夫楊尙熙墓在縣西十里清水源

勅贈修職郎舒登墓在縣西二里大罌頭

勅贈修職郎蔣崇杭墓在縣西八里八角山

江西理問楊尙炯墓在縣北二十五里偏巖

道光壬辰科武舉選用遊擊楊尙炤墓在縣西八

里架梘冲

江華縣志

卷之九

人物

八十七

邱墓